

# PM akan lawat Bukit Golan

Um - 26/2/2007

Daripada ZULKEFLI HAMZAH

**DAMSYIK** 25 Feb. - Bukit Golan - kawasan dataran tinggi Syria yang kini dijajah Israel - akan menjadi kemuncak lawatan rasmi tiga hari Perdana Menteri, Datuk Seri Abdullah Ahmad Badawi ke Syria bermula hari ini.

Lawatan Abdullah yang juga Pengerusi Persidangan Pertubuhan Islam (OIC) ke Bukit Golan pada hari terakhir lawatannya sebelum menyambung kunjungan ke Yemen, memberikan signifikan penting kepada isu pencerobohan Bukit Golan oleh rejim Zionis dalam Perang Enam Hari 1967 dan diikuti Perang Yom Kippur 1973.

Israel menceroob kawasan seluas 1,260 kilometer persegi daripada 1,860 kilometer persegi Bukit Golan termasuk zon penampungan tentera yang memisahkan Syria-Israel sebelum perang, yang dituntut kedua-dua buah negara selama ini.

Lawatan Abdullah ke kawasan konflik di Asia Barat itu yang juga sempadan bagi Lebanon dan Jordan menggambarkan ke-

**Lawatan Abdullah ke kawasan konflik di Asia Barat itu yang juga sempadan bagi Lebanon dan Jordan menggambarkan keprihatinan dan komitmen Perdana Menteri terhadap isu hak asasi, keselamatan dan keamanan rantau ini serta dunia Islam amnya**

prihatinan dan komitmen Perdana Menteri terhadap isu hak asasi, keselamatan dan keamanan rantau ini serta dunia Islam amnya.

Kini kira-kira 400,000 penduduk asal Bukit Golan tinggal sebagai pelarian secara berpecah-pecah di 270 kota, kampung serta kawasan pertanian dan selama 40 tahun ini menunggu waktu untuk kembali ke kampung halaman masing-masing.

Bukit Golan kira-kira sejam perjalanan dari ibu kota ini bagi Syria sangat strategik dan merupakan kawasan pertanian yang subur.

Bagi penduduk Syria lawatan Abdullah selaku Pengerusi OIC ke Bukit Golan da-

pat menyegarkan semula ingatan dunia mengenai keangkuhan Israel yang berterusan mengetepikan undang-undang antarabangsa.

Di Bukit Golan, Abdullah yang pertama kali melawat Syria selaku Perdana Menteri dijadual meluangkan waktu kira-kira dua jam di kawasan sensitif ini.

Perdana Menteri yang tiba di Lapangan Terbang Antarabangsa Damsyik pukul 2 petang (8 malam waktu Malaysia) disambut dengan sambutan kenegaraan oleh rakan sejawatannya, Mohd Naji Otri sebelum disusuli dengan jamuan makan malam.

Esok Perdana Menteri dijadual menga-

dakan pertemuan secara berasingan dengan Presiden Dr. Bashar Al-Assad, Naib Presiden Farouq Al Shara dan Mohd Naji.

Abdullah dan Mohd Naji kemudiannya dijadual menyaksikan majlis menandatangani dua memorandum persefahaman (MoU) iaitu Perjanjian Mengelak Cukai Dua Kali dan MoU Kajian Kemungkinan Projek Lingkaran Jalan Damsyik.

Perdana Menteri seterusnya akan menyampaikan ucap-tama pada Forum Perniagaan Malaysia-Syria sebelum disusuli dengan sesi dialog dengan pemimpin/ulama.

Antara yang turut mengiringi lawatan Abdullah ialah Menteri Luar, Datuk Seri Syed Hamid Albar; Menteri Perdagangan Antarabangsa dan Industri, Datuk Seri Rafidah Aziz; Menteri Kerja Raya, Datuk Seri S. Samy Vellu; Menteri Pengajian Tinggi, Datuk Mustapa Mohamed; Menteri di Jabatan Perdana Menteri, Datuk Dr. Abdullah Md. Zin dan Menteri Besar Selangor, Datuk Seri Dr. Mohamad Khir Toyo.

**-Utusan**